

道咸同光四朝詩史甲集

陳衍署檢

PL
2306
.S8
v.6

木
六



YORK UNIVERSITY

MAY 15 2001

EAST ASIAN STUDIES

姚鵬圖字柳屏江蘇太倉人光緒辛卯舉人山東知縣

從牧翁故居得紅豆乞汪君伯琛爲之圖



夫容村前溪水香綠波照我秋衣裳清晨撥棹二三里惟
見遠樹含烟蒼中有兩株挺而秀枝枝相對葉相當膚似
白榆零曉露葉如丹桂舒秋芳往者牧翁闢金屋釵而弁
者深深藏

曾見河東君
幅巾小影

童童寶樹大盈抱重重瓔珞襟明

璫故家喬木喜無恙絳雲久歎風流亡老農聞言長太息
靈根已逐飛龍翔旁支側生綿歲月輪囷今又淩風霜嗟
予生年強七十三見結子不盈筐一珠爲君解衣贈重之
不異隨夜光乍驚火齊來絕域又疑舍利酬空王玉粒祇
餘嬰母啄丹砂未許麻姑量一再攢抄飽秀色詩人天與
療愁糧我黨汪子好詩畫不減當年程孟陽折枝許我寫

四庫全書
眞相奚須火樹爭輝煌
媿以好句紛琳瑯
緘以猩紅古錦囊
願祝牟尼生入百祗林
慰我相思長

紅豆圖成更賦四律 錄三

秋色蕭條白日斜
夫容村樹有啼鴉
前生早種相思子
側出還開並命花
好祝香魂歸翠羽
閒書影事想黃笳
江頭淒絕桓司馬
幾度東風易歲華

當年金谷錦成圍
惆悵花開春已歸
證果情天無老死
移根淨土失皈依

前明舊本自閩移植

武陵終有桃僵恨
淮水空悲枳

化非焦鹿夢醒還入夢
落英零亂釣魚磯

阿嬌生小住橫塘
補闕文央又水鄉
調笑談鋒無故劍

收翁

舊妾王因以鍾馗相譏斥居母家

平章春事惜殘陽
黃金竟買期頤壽
碧

樹猶垂瓔珞香
若向華亭聞鶴唳
卷施同識苦心長

言有章字謇博一字潛百江蘇常熟人光緒辛卯優貢
官至河南新河縣知縣有堅白室詩草三卷

奉酬姚慕庭先生

玉潤冰清互詠歌
墊巾曾憶醉顏酡
青城撰杖須眉古
綠水依蓮獻納多
謂范肯師先生之壻
胸有元經濃道味
眼無俗物只天和
東南遺老飽憂患
萬火光中把卷過

含王超賈更無倫
中復遺編守後人

謂尊甫石甫先生

十事頻頻

陳大畧雙峯容易著
閒身薜蘿自係蒼生計
書劍思清簿海塵絕似廣陵彈
古調愔愔琴德座中春

瀛洲雨露雪坡風
果毅高門會有崇
府主觴遊客何遜
郎君經術動歐公
血山陳義遲宮邸
釣綫成吟卜禁中
丹桂有芳椿未老
文章譽滿大江東

鼎鼎儒林廣國華彭城門業又瑯琊命騷信有江山助鑿
空虛隨牛斗槎轉謝學僅九千字願聞詩派廿三家太常
訂禮文甄粹且訪楹書拜絳紗

謂肯師夫人

呈范肯師用山谷韻

先生文采騰萬口此才豈可論石斗如秦延敵方開闕席
卷羣雄遁欲還又如亥步與夸走搖足能周天地閒湖海
元龍樓下上到門謬荷中郎賞承蓋扶輪怡性情茫茫吾
道重干城並時豈恨余生晚揚眉遂傲封侯榮扶翼三才
首儒士世宙橫流賴君子文川武鄉廉讓閒茵溷隨風屏
愠喜古樂由來索解難夔曠不作誰爲彈只有後先憂樂
志一腔熱血相飛攀言遭東海自容與舉足欲望三神山
肯師遺鮮荔支倒用東坡初食荔支韻賦謝

王侯將相泡幻耳一飽之外無他圖家世吳儂長燕塞空
中狡獪思莼鱸春來重作沽上客地交川陸羅華腴蘆芽
水暖河豚上先施乳白珍逾珠何須更說江瑤美十年耳
食心已粗坡公謂荔支高格厚味惟江瑤河豚近之卻憶童歲侍坐隅阿母分
甘爭有無庚辰在津嘗鮮荔蓋海舶試載之始不分先生工說果紛紛遺我
皆瓊姝一笑天公終皮膚飢可不食寒不襦要能不變色
香味便與賢哲相馳驅方紅陳紫榮復枯楓亭系表尊崔
盧

奉懷李嘯西丈

文章微渺郢夔斤飢溺憂思禹稷身逕許吾家猶聽子未
妨臣壯不如人五千會見書藏副百萬何緣價買鄰絕憶
龍門甘說士春風滿座酒生鱗

卽席贈吳辟疆

摯甫師令似

八歲能爲子固文，千秋盛業定輪君。
論交我愧公沙穆，逕欲庭前訪異聞。

向歆同異兩扶輪，萬里丹山別緒新。
賦罷高軒著原道，吳郎大是有心人。

悲歌奉季父

豈真才大難爲用，每念時艱奈若何。
臣叔不癡臣已壯，一腔熱血兩悲歌。

將試吏河南留別都門親舊五首

閒雲出岫雨終虛，身世悠悠欲卜居。
燕闕揣摩羞季子，梁園後至謝相如。
尙餘橫海樓船夢，敢薄司空城旦書。
玉宇高寒風正急，金臺回望渺愁予。

海水驚飛變益奇小臣伏闕枉陳詞
穴中忌器難投鼠亭外埋輪尙問
狸杜牧罪言差共諒朱游抗論竟
何裨高宗奮伐資良弼十廟神靈
與護持

功名無分畫凌煙得失雞蟲亦偶
然十載瓣香尊許鄭千秋采筆夢
雲淵南轅北轍成歧路西抹東塗
誤盛年一遇

知音更何恨

已丑癸巳胡岱青張肖庵兩師力薦未售

敬通久幸事名賢

弦歌故事屬臣家比牒叨隨計吏
車不分孫陽來朔野

周生

霖師恩禮逾望

幾同溫尉悔南華

壬辰見斥賴廖仲山師力拔之

朝考詩幾以僻語

芙蓉

綠水終浮梗星斗黃河憶使楂國
恥未忘良史在問奇咫尺又天涯

比稍治時務書楊石漁

仁山昆季獎掖尤篤

文章道義本相符東海尋原舊指
涂不惜漢書供下酒

外先

舅子勤

祇疑鄭匱誤還珠門材濟濟丹山
鳳

誦涵

諸昆別夢依

四庫全書
依葉縣鳧出處年來思已爛毛生聊復博親娛

三十自嘲

三十鬢鬢歲月馳狂奴意態幾人知
上書氣蓋陳同甫草札胸無劉穆之
結習漸除犧斷尾壯心未已豹留皮
抗塵從此供奔走回首津梁敢告疲

吳士鑑字絅齋號公督浙江錢塘人光緒壬辰榜眼現

官翰林院侍讀南書房行走有含嘉室集

題鄭所南畫蘭卷子爲樊山丈作

秋來空谷幽芳墜靈芽筆底含顚頓地老天荒墨不枯中
有孤臣數行淚一自錢塘潮汐停木波轉徙水雲醒不向
竹山譜花柳惟聞夜雨泣冬青南天閩嶠雲煙變漁滄潭
下人淒戀抱香竟欲死枝頭那管北風橫白雁

用所南詠
寒菊詩意

野人三外洞元機處士無絃說義熙夢裏山川猶本穴覺
來竟體自芳菲芳菲建品細叢碧伸紙擣毫寫盈尺當門
委棄任誅鋤託根無地乾坤窄是花是葉兩模糊持向伽
藍示女頹莫問此花眞色相十空經裏本虛無七百年來
留妙筆錦綫詩存鐵函出東嶼題碑渺舊阡白眉說法無

祇律只餘縑素展溫磨疑是青泥化碧痕一樣國香零落

盡天涯何處有王孫

昔人題子昂畫蘭詩近日國香零落盡王孫芳草徧天涯見雪濤詩評

長安謝琴堂先生觀海圖爲其曾孫

裕楷字端甫圖作於廈門題

異哉騶衍詞恢奇二千餘載無人知神州赤縣閉堂闕茫
茫瀛海迷津涯木華晚出工賦物未識地學窮坤維坐令
文人向若歎蓬萊神山言支離豈料西來善測繪越三萬
里飄輪馳嘉道之際正清宴歐西政教方萌孳亶洲文治
尙同軌南溟雖通無漏卮碧空寥沈展遐矚閩海浩浩何
平徠嘉禾嶼上烽燧寢大武山前無戍旂鯤身鹿耳一衣
帶水程咫尺嚴藩籬斯時俛仰天地闊攜琴恍若逢鍾期
六十年來事飄瞥敦槃海上如奕棋和銅已改舊碑字熊
野花開勝昔時德川枋去意益侈豈徒接壤兼蝦夷北港

四郡眞鑄錯金厦屏障空憑依宜蘭已爲僑置縣赤嵌尙
有海會祠橫流極天那可說補牢計晚焉能施迴旋少海
日夜沸樓臺幻變煙雲非披圖重慨生已晚安得履綦相
追隨我亦海濱一釣侶蒼茫南眺徒涕洟

途中哭王文敏公

庚子

忠節全家蹈令名從容絕筆鬼神驚竟無翁阮承平福雅
有張錢翰墨名得天茶山皆以內廷翰林諡文敏誰使健兒摧朔虜似聞
弱息付程嬰經師中絕人倫在白日照昭涕泗橫

又哭袁重黎丈

握手乾清各慨慷遽聞東市涕浪浪百年伊洛悲戎禍一
夕膺滂痛國殤鉤黨如斯從古少妖氛猶是極天狂忠肝
掬取堅如石況有韓公萬丈光

左海

左海迴旋激沸湍
朦朧假道詎無端
馬訾江上東流惡
元菟城頭夕照殘
蔥鬱三陵終不改
會盟百載未全寒
先朝遺憾今須補
豐沛應增郡縣官

送孫魏若京卿

寶琦

奉使德意志

龍節經年返帝城
又持璽詔向西行
濯纓重訪多門水
弭轡周諮伏爾鏗
一代君臣開霸術
聯邦文物冠歐瀛
穹閭聽徹玫瑰樂
歸及中朝憲政成

送饒敬伯工部

孟任

遊學英倫

章貢此才難可數
幾年辛苦採玕珣
遠經白特求微學
深喜侯官有替人

謂嚴君幾道

自控元蚪駕溟渤
伫看神駿出風

塵胥黎賓塞皆支
裔西哲名言要溯津

陳伯陶字子礪廣東東莞人光緒壬辰探花由編修厯
官江甯提學使

送豫荃赴任卽題畫扇

豫荃如弟同年於羅浮之茶山洞架屋數椽爲讀
書之所去歲陶信宿其間君時在京以散館改官
浩然思歸適陶亦入京供職兩不相遇今年七月
君謁選來京寓敝廬約其遊西山因循不果九月
君選授黎城令近將赴晉臨別時出便面索畫因
撰長句以敘兩年聚散蹤跡且訂歸隱之約時丙
申十一月朔日

去年襍被羅浮去直到茶山最深處茶山松檜森參天中
有萬丈飛來泉奔雲如馬挾飛電飄洗白練茅亭邊二樵

恒化香石死此景離合誰爲傳君時濩落留京國山中寄
君歸來篇歸雲入山泉自出猿嘯鶴唳悲潺湲電光一霎
年華改忽忽萍逢燕市裏西山招手不能前何怪蓬萊渺
雲海君今捧檄馳三晉斗大山城繫羈勒太行連雲西北
來夸娥負出高崔嵬雪花漫天白皚皚羊腸九折車輪摧
謝公蠟屐幾曾至葛令丹砂何有哉問君此去心何快摺
疊扇頭要我畫我畫不能工我詩亦凡庸嗟我與君如巨
蛩可憐勞燕分西東西山留我對晴雪太行送君衝朔風
他時把臂羅浮路茶山雲壑同君住回首幽并衣上塵好
借飛泉浣緇素

何藻翔字颺高廣東順德人光緒壬辰進士現官外務部郎中有西行雜詩

七月十三夜過婆羅洲海峽贈船主

月黑天陰渡海腰婆羅洲外五更潮白頭浪蹴舵樓過風雨篝燈立鐵橋

檳榔署江干晚步

五月星洲舫舫歸開春天氣雨霏霏胡椒葉江干路芒果熟黃魚正肥

芒果魚以六月芒果熟時登市其味最腴美

合是前身張黑女茜裙窄地影驚鴻珠題金紐衝涼屐

晚浴穿衝涼屐飾以金珠

口喫檳榔去食風

食風卽納涼之諺語

過方伯第門首

此間樂已不思蜀海外還堪種子孫金字榜門方伯第紅

毛丹熟滿山園

紅毛丹似荔枝而多刺雲連榜門金字大書方伯第

閩粵鉅商甲第第觀察第門前

印兵持槍鵠立家

家有山園十餘畝

聞星坡海客言保護華僑回國事有感

少年無賴走南洋海禁森嚴詔捕亡白髮重譚嘉道事田

廬無地感滄桑

印度河口

河流九曲潑天塹七十二沽形勢同無量恒河無量劫夕

陽遺甃故王宮

海口有廢宮英人拘囚印度王於此嘗與藏官來遊述之泫然

自大吉嶺入哲孟雄境

漠北峯巒萬馬奔

由岡底斯山脈蜿蜒而來

西金鎖鑰控烏孫漫山

嵐湧雲成海驚瀑雷鳴石有門泰華一丸伸右臂江河兩

派入中原恒沙無量胡僧劫與廢何因問世尊

西金卽阿育王降生

地現奪顛佛教尙衆去年英太子至印度議收回奪
顛佛地事請西藏班禪爲印屬黃教之主其謀詭矣

唐納山口望諸莫拉利雪山諸峯

唐納山高一萬六千尺諸莫拉利雪

山最高峯二萬三千尺爲地球上第二高峯

喜馬峯頭作重九四千年來得未有

使節由印度入藏者此爲第一人又登地

球第二高峯足以自豪矣

壯遊應在元奘前山賊不居靈運後咳唾落

地成江河蜿蜒五嶽皆培塿地平綫已沒西極天樞夜不

見北斗

入藏後不見北斗

凌晨雲氣排海出白晝怪風吹石走百

道飛泉出樹杪白沙銀礫聲細吼石間漩湫螺旋深古澗

斷冰鐵寸厚壤礪榛棘竄狐兔陰巖燐骨煨鷹狗中亞屋

飢天下脊北徼屏幃土囊口白頭胡賈出波斯歐亞孔道

通樞紐

英圖併後藏阿里越帕米爾阿富汗以通波斯灣與俄西伯利亞鐵路爭衡非徒窺川滇也

天

竺迤北葱嶺東宗教佛同居八九神奈山頭十字軍蒼頭

特起破械杻吁嗟乎二十世紀秘密國中原鼾睡無人守

泰西多少地學探險家足跡未到管窺牖

自十六世紀歐人探藏者十一

家能至者五六人耳

我來一萬六千尺雪山森峙驚奇陡巖腹雷火

燒虬松石罅人臂攬僵柳斜緣險仄不容腳下瞰巉巖敢
迴首磨驢旋轉蛇盤上東欹西倒誰援手十步九轉竹筒
吹倚樹小立憇復久下坡險似上坡難巖觸馬腹人折肘
山湖周圍六百里野鳬黃白成淵藪破驛香火狐鬼廟壘
石膜拜土木偶黃昏言投喇嘛寺人面皸裂髮蓬垢甃甃
方褥繡佛龕且喫酥茶食蠻酒

曾習經字剛甫廣東揭陽人光緒壬辰進士現官度支

部右丞

崇倣寺看花

悵望春歸十日陰落花臺殿更情深被闌碧葉如相語辭
世青鴛不可尋物外精藍誰捨宅亂餘榛莽漸成林迷陽
却曲饒憂患那得端居長道心

送蔣性甫侍御

式惺

在山猛虎今無用蔽日浮雲終古陰三穴未營饒兔計一
官真擬汨羅沈虛傳賈誼酬宣室徒遣相如賦上林惆悵
故人成獨往江湖滿地有遐心

送秦曲靖

樹聲

十年虛鍊媧皇石萬里遙經黑水祠吾道聖賢輒相許夢

中歌泣復誰知還休暫動誠何意悵望蕭條併一時此去
共傳邊郡美使君獨有髻如絲

送劉幼雲太史

廷琛

還九江

正愛清詩吟謝眺憶逢微雨過蘇端一年屢誤斜川約九
折偏愁隴阪難舊業別來惟夢寐訖春歸思入風湍江湖
滿眼今頭白何日從君把釣竿

送王撫州

乃徵

遠下鸞皇閉九閭更無鷹隼擊秋原匡牀諫草收殘篋歸
路荷花感聖恩一郡江湖閒不極五更朝鼓斷相聞王尼
虛有橫流歎又向新亭悵失羣

夏時濟字彝恂湖南衡陽人光緒壬辰進士官度支部

主事有環媛館詩

久客金陵與樊雲門方伯
趙仲攷觀察時相唱和

秋感

數點浮雲蔽太清西風總是怨離聲
蕭蕭柳葉殘蟬嘒瑟瑟蘆花旅鴈鳴
潭水沈天留素質空山弄月墮寒晶
霜原劫火明還滅解惜草根螻蟻情

不見佳人玉佩投每逢蕭瑟強登樓
哀吟漸識孤居樂歡宴難消閱世憂
空氣玲瓏明月夜靈魂窈窕故宮秋
龍蛇進退天難問頑石無瞳也淚流

遙山合沓入新妝寂寂峯陰惻惻涼
綴陣孤鴻憐夕照鳴皋一鶴向朝陽
臨歧軌轍雙旌綰倚劍雲霄百寶光
蕙芷前途正搖落長風好護辟寒香

沈沈海垢逼邱樊
慟哭遙疑笑語喧
優孟登場金粟影
衣冠塗炭木樨魂
丹楓斲盡知心赤
紅豆生時帶血痕
回首蓬萊雲五色
荷恩齊唱望仙門

落花三十首錄七

瑤臺一笑記相逢
神女聯翩玉雪容
偶涉靈湖看竹淚
何嫌劫海寄萍踪
人間粉黛空山少
天外蓬萊紫閣重
別樹羈雌眠不得
等閒飛上最高峯

氤氲激戰祇須臾
一片寒蕪繞四隅
作陣摩空霄路迴
飛香點水海程迂
鶯歌送日千聲怨
蟾魄窺天尺璧孤
若過虞淵聽鄰笛
淒淒晷影闕黃壚

津橋極望杜鵑啼
一霎懽娛易慘淒
霆怒難迴參正果
星妖漸見發新萸
橫拋赤燧添秋色
誤買黃蓮供艷妻
多謝

西鄰紅粉女空勞妙腕護娉婷

滄海何緣積劫塵自然種果自成因鳴天射鏑宮翻徵貫
月迴槎秋復春碧落飄零紅袖侶朱樓絕倒白頭人楊花
作絮浮萍老誰識寒松是後身

何年烏鵲向南端雲樣紛飛月樣團墮地無聲空色相生
天有路卜支干長虹抱日藏頭角么鳳凌霄惜羽翰閱遍
芳韶憐眼倦孤愁欲逐太虛寬

風雨鷄鳴感昔賢金刀復漢護危顛岐封舊識真龍氣華
表難逢化鶴年紫塞埋胡成錯料白山雄鬼迭爭妍天輪
若使真仙掌管取春回玉宇前

無端痛哭對關河一柱孤擎奈爾何桃葉迎來纖影悄海
棠聘後夢痕多萬方兵氣沈黃海九月繁霜罨翠娥舊釀

休辭連夜飲深宵起舞爲誰歌

仲弢和落花詩依韻奉酬 三首錄二

左徒幽怨鬱忠鯁一寸貞魂萬劫哀嶽秀千尋鬪殊色湘
靈終古起騷才

黑塞青林生別淚國風小雅逐臣心江湖未必成寥廓好
聽蒼龍韶濩音

滇事日亟仲弢奉錫制軍電調戒行疊樽字韻致笙
兒枕上次韻口號奉和

漫呼江月泛鳬樽終古沈酣旦又昏大陸蛟龍雷電跡歲
寒松柏雪霜痕離心漸指飛鴻遠奇氣難銷射虎魂君到
昆明更長嘯東山管領誚吾尊

曹廣權字東寅湖南長沙人光緒癸巳舉人現官禮部

右參議

春夜會飲放歌

時庚寅二月十四日

纖雲吐月天無塵紅欄夜霽花光勻春月如煙已流碧明
日花朝又芳夕良辰促坐從吾曹狂奴意氣凌雲高屠門
大嚼不稱意痛飲惟論千日醉黃郎遊俠天下無掉臂遊
行卓女壚微金尙買娥眉笑綺筵紅袖初照耀卷簾看月
月無垠眼前樓閣昏金銀玉人不惜釵頭鳳取映蟾輝撥
春甕流霞變色翠盈盈皎如絳雪調瓊英就中飲者弟與
兄酩酊面面不得頰叔度溫潤白玉瑩余亦有季同冰清
季重惺惺自解醒六郎電閃巖下晴

座中有黃飮勤教諭
係黃蓉瑞之弟六郎

謂蓉舟觀察亦
係雁舟之弟

一人惜抱餘春情四座爛朗花魂驚起視

疏星轉瑤漢今夕春陰未將半
瞥眼歡踪墮夢痕地北天南
各愁散君不見銜蘆孤雁鳴
哀哀往來只傍湘水涯微禽
惜別尙如此況是華葉連根
芟天涯此夕同三五姮娥豈
識人間苦一槩滌洞江上水
多少離愁照將起茫茫人海
氣亦腥世事險巇那可聽萍
梗離合不須說今日歡場暫
言別歸宿空房獨淒絕薄醉
朦朧迷眼纔呼童强埽階前
雪

題漸西先生富春歸隱圖

山河樹影五洲畫本胡然廣
輪寫形無遁芒芒中央不逢
混沌懿歟先生抱朴潛真止
止虛室緜緜若神勞民之國
乃有哲人披圖忘機體絕埃
壒樓林雪積紫谿霞帶且喜
蕓鄉爰居嚴瀨先生標之達
隱山岬羊裘釣澤信美吾儕

閑遊戴贊歸去陶懷遐想何爲畢志相從國步艱難王臣
匪躬覲帝鈞天戴斗崆峒股肱喉舌有命自后九譯方來
萬邦爲友勦力神洲爭迴地紐悠悠南北臣實馳驅回首
江潭悽愴于湖俯仰陳迹孰云非虛何況八公寤寐玄蹤
聞仙乘躋浮邱躡筇會須黃髮言尋赤松溪山蒼蒼白石
鑿鑿無曰招隱有如監約歸與孔詠時哉季諾

附原函云漸村先生由蘇藩入覲旋調直藩未赴任卽
改太常寺卿仍入總理衙門行走出此圖命題因成是
稿是時先生已倩沈君思齊惟賢爲築室富春蓋已亥

春日事也詩稿不存追憶錄之脫誤不全聊塞盛意

師鄭同年鑒 弟廣權頓首

余旣從袁太常于湖題襟集內輯得曹東寅同年春秋

宮詞凡二十首將以錄入四朝詩史適令弟梅舫提學

廣楨

將之吉林赴任道出津門東寅送之假寓馮果卿

觀察

汝桓

齋中握手歡讌互道契闊余向索篋中吟稿

並論庚子年太常被禍始末傷今弔昔磊塊澆胸酒酣

耳熱狂浮大白東寅因追錄以上二作見示且謂庚寅

春月之作彼時梅舫將之岳州飭勤將赴桃源雁舟將

入都聚而復散感觸良深故有瞥眼歡踪隨夢痕地北

天南各愁散及微禽惜別尙如此況是華葉連根芟之

句今日津門之讌飲情形頗與當年相似而時局之艱

危老成之零落則回想已丑庚寅之歲已不啻玉堂天

上矣瞻烏誰屋客雁思羣對此茫茫能無百端交集乎

戊申九月師鄭附識

鄭沅字叔進湖南長沙人光緒甲午探花現官翰林院侍讀南書房行走

辛丑十月二十四日夜宿華陰縣城明日偕縣令劉友石同年游玉泉院而別途中賦詩紀之

天公何年揮神斤削石爲山鑱入雲偉哉元氣何細縕我來華陰日已曛高屋當前莽無垠賢令劉君秀而文說山使我心歡欣曉光侵櫺猶未分相將火急趨朝霧玉泉舊院君更堇 羣華前月臨翳粉有泉冷然新導分有樹不復憂如焚院中有無憂樹希夷往矣今惟墳劉君招邀情良殷屢示絕頂誘我勤我行勞勞指澮汾不辭攀涉手足輟但慮投書別同羣將以梯取重煩君作詩謝君聊云云華山仙人應已聞

和琴志用荆公高齋韻

昭陽麗質魂已埋阿房之殿土空徒惟餘南山一片石長
與明月相磨挨我居長安忽五月當暑坐念青嵬嵬開軒
南望日心醉何況置身金碧堆二三同志亦有癖招邀車
馬翩然來初迎谿水便清冽細路油滑何艱哉古木槎牙
裹蝕鐵洞石嵌鑿陳天杯相連百步輒一寺漸豁遠目窮
九垓孰云此山幽且靜赤日亭午喧風雷巖花無名自開
落百鳥競噪相觚排褰衣不意到絕頂自謂厯輔與登台
回看太乙尤奇絕萬馬奔赴天門開吁嗟易子不得往惟
有春夢飛陽臺我生事事落人後此行應免爲俗哈何時
能游與攜酒白雲天半傾長淮

劉錦藻字澂如浙江烏程人光緒甲午進士現官候補
四品京堂

題子瀟先生雙紅豆圖遺照

黃裳飢坐態翩翩一卷流傳百十年九轉丹成犀兩點姓
名早注有情天

日暝藍田一掌平呼龍瑤島起煙耕錦幡穩護春如海莫
更銀河風浪生

東海塵揚幾見將丹砂擲罷五銖涼天長地久靈鷲會會
見麻姑鬢有霜

手撚明珠贈漢皋溫磨心事訴雲璈靈修漫傍滋蘭晚怕
惹離愁又續騷

九醞香醪酌叵羅歲難冶思比紅多分明鑄豔茗華瑄要

化濃春十二窩

春風吾谷絳桃開豔豔香名冠玉臺記得緋英勝紅豆引

教劉阮入天台

先生鄉試房師阮昉巖會試房師劉雲房故師鄭同年述德詩有親入天台遇劉阮

前身應本住仙鄉之句

身本文昌第二星芙蓉手把叩瑤局青雲千呂扶搖壯又

見曾孫會幔亭

先生鄉會均列第二集中有注定文昌第二星之句師鄭癸巳北闈甲午朝考均列

第二故云

雙聲絳樹麗情兼的厯珊瑚瀉玉匳可惜貞元老朝士不

偕記曲棗花簾

卷中自乾嘉以來名宿題詠各體俱備

陳昭常字簡始廣東新會人光緒甲午翰林散館改主
事現官吉林巡撫

挽張文達師

百熙

三首

諸公衮衮一邱貉來日茫茫赴壑蛇
廣厦萬間今已矣名流百輩重吁嗟
禁中定議無留草

立憲公力最多

詔下

海內新機

遽折芽大雅淪亡誰領袖不堪遺策續長沙

官職聲名孰與齊褒榮華袞典堪稽
盛時紀阮相輝映並世毛張互品題
萬古雲霄空悵望中興豪傑失攀躋
開通公獨超先輩星宿探源到海西

當年史館曾相識遶道音書久未通
說士似聞甘勝肉得官何事臭如銅
九京可作期無負兩月相依愧不終
便忤孫劉何所恨此生無夢作三公

庚戌中秋前一日同人集子明司使衙齋爲壽余以
阻雨不克赴會偶成二律奉祝兼以自寓

季子聲名日下傳一行作吏尙翩翩逍遙蒙叟人間世接
迹何郎明月篇仙侶同舟逢此度瓊林重宴卜他年愁霖
祇覺余難遣無限秋心屬邈縣

庾亮南樓不可尋松江萬里接重陰中流簫鼓音全歇大
地山河影欲沈寂寞魚龍窮變化沈寥鴻雁倦登臨悠悠
長夜成何意空結離騷一片心

自注云撫時感事不自覺其秋氣之盈楮也

送黃秘書雨之南歸

麟角牛毛共譽君海天遙隔一相聞獨尋孔墨迴風氣大
好江山悵暮雲湘楚功名旋黯淡貞元黨論尙紛紜定知
海上成雙笑經卷鑪香好共熏

瘦公寄贈新刻散原精舍詩疆邨詞索詩爲報賦此

寄呈

當代數文豪二妙未識面零縑與碎錦寶光時一見瘦公
江漢回東南走羣彥貽我雙琅玕入案忽璀璨卓哉散原
詩千淬復百鍊字字雙井心篇篇小雅怨載詠疆邨詞旨
遠非近翫七寶絢樓臺拆碎成片段憶從同光來文體亦
屢變根柢蕩詞林俗子耳目眩譯語雜侏僂新名紛點竄
家法挾樊籬宗派益支蔓義寧名父子辛苦守遺研侍郎
篤師友腹痛情繾綣挑鎗百回讀心維目不倦古來工文
章端在多憂患二公廊廟姿目睹家國難江湖戀魏闕忠
愛託豪翰流傳此文字身世已可歎峨峨文選樓屹屹靈
光殿裁詩報故人愧未涉涯岸

南昌電來聞故人黃梅伯死耗書此志哀

懸榻虛廊尙待君伊人何在死生分九京可作應誰與百世相知在定文作賦江南哀庾信寄書湓浦望劉蕡天涯別有傷心淚灑向松花對夕曛

中秋夜半見月示幕府諸君

憶昨沈沈風雨夕預愁玉宇芳辰寂中夜孤吟聽簷溜詰朝祀事登長白曉來微見日矇矓僕馬趨蹌戒行役遙瞻嵯峨鬱佳氣萬松洗出煙鬟碧禮成緩歸日未晡新晴映帶郊原色令節飛牋寄元賞材雋翩聯集裙屐中天未覺流雲吐恨無高樓吹玉笛須臾橫空縛大帚一掃纖埃盪無迹居蟠顧兔休自矜三五而盈非汝力試從前夜望今宵人世升沈庸易測太清但令無穢滓豈懼陰精遽淪惑

翺心東海方揚塵
彗見驚傳主鋒鏑
松江照影波濤深
蛤蚌珠龜盡潛匿
停觴欲問天方醉
海宇狼烽幾時息
安得長劍倚蒼冥
指揮衆星環八極
諸君不飲奈明何
斫地悲歌唾壺擊
五陵王氣今尙存
與爾賞秋浮大白

北山集和數菴韻

踵武陳黎二妙傳

君與令兄癭公並有文名獨漉二樵均順德人

試將秋實比春

妍旌旗在眼空留影
琴瑟無心付改絃
閱世山川容坐嘯
傷人哀樂入中年
興來亦有尋歡處
木落長悲恐未然

孝先梅訪錫臣諸公各用余壽子明元韻祝余初度

子明旋亦繼聲勉賦四律分謝四公

句繡弓衣海外傳
後先軺節記聯翩

余與孝先出洋相隔十年

觀風應

續輶軒錄補雅欣聞潔白篇
努力匡時廻泰運
同心憂國

盼豐年仲華車下壺觴滿治譜親承世德縣

子建才華曠代尋煎茶鎖院碧桐陰記從楚國箋天問莫

對新亭歎陸沈簞節卽今文治闢

吉林未改行省以前學使不到

陪都猶

望屬車臨攬余幼讀靈均賦敢忘滋蘭樹蕙心

孝穆門庭世共傳分明鳳翥與鸞翔來漢壘秦庭外解

讀山權國準篇猶有黃花驕晚節何堪錦瑟悵華年

余與錫臣

同有悼亡之戚未成一事慙官職馬齒空增歲月縣

嶺西燕北舊追尋曾見甘棠蔽芾陰紅樹白雲秋易渺瓊

樓玉宇夜方沈登高幸接詩人躅聽訟爭迎直指臨歲月

侵人愁短景江湖滿地負初心

呂承瀚字潤生湖北武昌人光緒甲午進士現官福建
巡警道有海嶽樓詩存

伯牙臺覽古

鍾期聽琴伯牙老荒臺一角斜陽道千秋只此賞音人
人去屋空賸芳草軒開四面浸綠波湖光山色堆青螺郭外
煙雲自繚繞羌無樵子重經過山月照人星欲落孤猿嘯
醒巢林鶴俯仰今昔年復年安排琴枕沈寒煙蔓草青青
動客興儘有清風相持贈長歎一聲問鍾子落花無情滿
三徑江流隔岸盪心胸江聲激處排魚龍留得此屋竟干
古當年聚散雙萍蹤我懷其人顏如玉爲有高山流水曲
閒攄胸臆抱琴來眼底莓苔長新綠

寒夜

昨夜寒雲飛院落今宵積霰尙階前朔風無力半窗靜皓
月當空一鏡圓容有松枝支鶴睡却憐燈影伴人眠含情
羞向梅花訴兀坐長安雪後天

除夕

明星連綴天圍碧海宇喁喁共今夕長安宮舍何寂寥中
有楚江未歸客楚江遙隔三千里欲歸不歸怨春水連宵
好夢空還家人在天涯心尺咫我常自歎不如鳥如鳥反
哺親心娛我歎人生不如燕秋燕辭巢春社見此身誤入
名利中飄泊萍踪西復東噫吁嘻寸心無盡歲易盡待我
陶然一醉舞東風

延生

蕙

因事告歸賦贈一首

吾儒自有千秋業世事乘除總逝波三尺劍芒奇氣滿一

般書味古人多常將白日明肝膽莫怨青山誓薜蘿師友
傳燈詩卷重杜陵心迹又東坡

西郊晚眺五疊前韻

踏遍寒雲吾不樂此情脈脈古城頭花沈東閣香難覓雪
壓西山凍欲流碁杵敲殘紅日影關河盼斷碧天秋蒼茫
四顧橫江水千里晴波有宿鷗

晨起對鏡

天道不可識我生徒增傷喬松千歲壽琥珀蓄其光流水
下寒瀨江河清且長人事有終極感此雙鬢蒼少年鬱劍
氣梧桐升朝陽壯夫悲末路華髮飛秋霜冠珮瞠然失尊
酒置高堂舉杯三歎息七尺何昂藏晚節須自愛努力持
天綱

官學同人餞於西華門外酒樓

銀鐙高掛夜傳杯無限情懷暮雨催清閣橫開春夢了茗
香初縱月華來靈山聚衲有今夕酒國塵兵盡霸才我醉
獨生離別感壺觴何日許重陪

出都門

一鞭擁翠出長安驛路風光曉色殘煙鎖薊門千樹暗雨
餘昨夜十分寒對人羞理黃金橐據馬私憐白玉鞍卻立
征途更回首帝城雲物鏡中看

杜康臺

宜城斜枕襄水濱有人緩唱宜城春宜城春色不知數風
月成鄰楊柳路此中舊是杜康臺破甕生涯無朝暮當年
醞釀春風天阿誰醉倒春風前日高三丈斜照戶一杯又

送明月圓可笑劉伶不解事直到酒家謀一醉又笑長安
李謫仙誰家酒市貪晝眠此地此臺閱千載醉翁之醉何
年代兒曹訪古爲流連荒草斜陽感興廢兩兒從游有詩邇來好
事幾狂徒酒鑪一一城東隅秋風颯颯動客思欲往從之
提百壺百壺可以澆我腸醉時大叫蒼天蒼眼中有酒無
杜康

郊行同宗室厚庵

崇寬

熊文淦

紹周

周蘭泉

濂馨

終日閉關不出門卷曲蜿蜒常鴟蹲宗卿知我苦鬱煩爲
我倒傾紅榴樽酒酣攜手遊芳原斜飛鴉背高負暄帝城
遠近氣吐吞上有交龍百尺幡下有流水聲潺湲碧流盡
處接雲根坐看白鳬雙翎翻幾家碌碡垂楊村打麥聲起
黃雀喧老農粗俗前致言今年香餌足饔飧怪底催科吏

太煩 聖主有恩官無恩吁嗟顓蒙遠 至尊吾儕素餐
何足論言罷日落天黃昏白雲紫燒西山痕飛鳥上下遊
子魂望鄉不到望崑崙歸途悄悄返寄園星斗在天手欲
捫

景 媛字佩珂滿洲廂藍旗人光緒甲午翰林散館改

刑部主事現官翰林院侍讀學士有北征草

青岱阻雨 三首

風雨共颼颼驚心夜不休紅搖燈似豆紫泛水成溝補漏
人聲沸停驂使節留四圍山抱處疑與岱宗侔
倦影息穹廬今朝又卜居限高門似竇氈覆木如梳苦雨
離愁裏腥風戰血餘欲行行不得枕畔讀新書

昨夜雨風俱征軺駐虎符川疑經敕勒臺欲上單于近鄙
分邊界遺風問上都察哈爾內八旗至第八台止酒懷詩

膽壯何事費踟躕

路經滑角山

月光曙色雨濛濛喚起行人睡夢中石隙花開紅爛漫

滑角

山石隙花
開甚紅

雨餘草長綠龍蔥失羣孤雁橫空過得食蒼鷹

掠地雄馬上馳驅巾幘健果然不亞木蘭風

山頭隱隱射朝曦曉發烏蘭哈達時到眼岡巒流水過驚
心車馬落星馳千年蘚古黏枯石數點花新上老枝百廿
里程俄頃至寄言僮僕莫猜疑

暮抵吉斯洪果爾

屈指行程出玉門輪蹄何日到烏孫紅黃山作珊瑚色黑
白雲堆玳瑁痕芳草平原雙鶴立蒼厓絕頂一鷹蹲元家
大業今安在煙靄濛濛枉斷魂

早赴烏蘭哈達

漢室功名衛霍尊燕支山上草成墩至今石盡爲紅色疑
是當年戰血痕

張其淦字豫荃廣東東莞人光緒甲午翰林散館改知縣現官安徽候補道署安徽提學使

挽鄧壯節公

世昌四首

少年投筆去意氣似班超異域星霜變重溟瘴霧消投壺閒把酒倚劍欲干霄南海波濤闊深秋別思遙
隱隱檣帆列煙迷鴨綠江合圍誰陷陣飛礮激驚瀧雲合鳥偏散羣孤雁不雙隻輪飛去似鼓力怒相撞

閩江與粵海相較意如何未慰同舟願愁聽棄甲歌蒼茫誅馬謖惆悵失廉頗落日愁雲起瀾翻怨老鼉

遐想度遼策眞留海上名中流憑砥柱他日憶干城鷁首歸何處鴻毛死笑輕鬚眉洵不愧遺貌識眞卿

公有遺像洋人爭購

都門秋思

六首錄四

聞道遼東未止戈，秋深時節雨風多。
西山爽氣凝青黛，南浦離心漲綠波。

連日送友回鄉

萬里絮飛知客去，一聲花落奈君

何朝臣，誰似宗留守，日落蒼茫喚渡河。

年來世事海茫茫，淝水難求古戰場。
誰築黃金延郭相，虛傳赤壁美周郎。

報紙屢傳中國勝倭

蘆溝楊柳添愁緒，瓊島芙蓉著

曉霜。莫向觀星臺上望，元菟明月蔽雲黃。

瓊樓玉宇鳳城中，萬里關山月色同。
孰是驪黃多熱血，可憐鴨綠起涼風。
年年憤事遼東豕，渺渺愁心塞北鴻。
漫賞陶然亭上雨，滿天秋色老梧桐。

花泛天津有斷橋，杜鵑聲裏酒旗招。
龍蛇山澤人難測，猿鶴沙蟲恨未消。
驚起夢魂燕市筑，湧來心血浙江潮。
登壇此日無韓信，空拜將軍號度遼。

挽常熟翁協揆師

直爲蒼生哭不休，騎箕傳說自千秋。百身可贖歌黃鳥，五載閒居狎白鷗。極目依然星北望，傷心曾見海西流。祇今

宋玉招魂處，鄧尉梅花土一邱。

夫子罷歸會居鄧尉

羊公有鶴愧氤氲，知己平生感不窮。褒鄂精神期報國，杜房相業在和衷。有人朝服歸東市，

謂趙舒翹英年二尙書

羈客棠梨

對殯宮

謂剛中堂毅

迴首秦關無限恨，算來福澤尙輸公。

祇有丹心翊巨桴，掛冠神武去無情。辨姦幾輩知盧杞，愛士當年薦禰衡。故國風塵驚歲晚，他時月旦聽公評。少陵獨抱安危志，欲著麻鞋淚暗傾。

海上仙龕跨翠鸞，歌聞薤露路漫漫。未頒周顗黃金印，已下王喬白玉棺。五鳳樓高詩草麗，九龍山迴墓松寒。牙琴

從此徽絃歇不遇知音不復彈

甲午三月京師誌怪詩

右安城門當晝晴野畦淺水蘆葦平忽有怪物如牛鳴路
人千萬皆聞聲喧傳遠近草木腥街衢入夜無人行或圖
其狀如蛟鯨似虎搖尾龍轉睛巨鱗修鬣腹彭亨魍魎罔
象莫識名日午健兒敲銅鉦戈矛森立車衢輒擊以巨礮
雷霆訇如臨大敵心怦怦登刀踏火道侶迎敕召六甲與
六丁呼星喚鬼與怪爭怪殊不懼反自矜若鳴得意聲無
停健兒咋舌雙目瞠拖泥帶水如履冰道人執劍走野亭
護身符呪嗟無靈我亦隨衆來郊垌鳳城景物爭春榮麥
芒漸綠柳眼青輕風轉蕙晚照明鶯歌燕語調鳳笙萬人
如海身伶仃枳籬薤隴側耳聽鳴蛙噪蚓集衆蠅心知其

誕笑語傾嗟哉危坐高官形柳陰歧路支涼棚藉資彈壓

列衆兵更欲紛調神機營

步軍統領福相國身臨彈壓調兵尋怪莫能得

舉國若

狂誰使令解人難索繫我情石言蛇門傳所稱妖不自作
由人興見怪不怪真典型諸公袞袞來槐廳紛披宮錦帶
雀翎口蜜腹劍利交征誤人家國傾人城此真怪物是咎
徵災祥在德天所憑反德爲亂妖災生嘻嘻出出聞於庭
我欲射之弓陰弮檣机饗餐服上刑天爲一笑河爲清人
妖旣除邦乃寧物妖有象禹鼎呈何至妖異喧神京

乙巳遼東感事詩

錄五

于今南牧已駸駸夢入遼東感不禁天地無情仍戰伐江
山如夢怕登臨錯疑赤伏將符獻豈信紅燈兆陸沈若問
柳條關外路敵人久蓄虎狼心

忽唱扶桑出塞詩
楚王投袂意堪疑
東隣不惜餘光照
北伐誰能六出奇
子產有才供鄭賦
包胥無淚乞秦師
可憐同室終朝鬥
披髮纓冠袖手時

萬里長城入戰場
三辰誰實寄封疆
遼沙帶血流波赤
鐵嶺傳烽燒草黃
竟有犬羊環卧榻
算來戎馬易滄桑
黑龍江上龍旗影
留與波臣話短長

入手楸枰局局新
蒼茫呵壁問無因
銜冤精衛難填海
痛飲黃龍大有人
兵弄潢池朝脫甲

指奉天馬賊

風生黑水暮揚

塵將軍獨有平夷策
桃李新年望好春

玉碗金輿出帝庭
五雲宮殿鼓雷霆
一坏土向長陵盜
萬井煙迷戰地腥
白骨不分蕃漢種
青山莫問短長亭
令威化鶴歸來語
烏咽遼河不忍聽

周紹昌字霖叔廣西靈州人光緒甲午翰林散館改刑部主事現官大理院推丞有霖叔詩文稿

庚子都門紀事 一百首錄十五首

鐵錯平空鑄六州妖星夜半落旄頭縱橫城社驕狐鼠奔走風塵類馬牛露布交馳虛報捷宵衣勤御苦持籌諸公袞袞稱馮翼可惜人謀誤鬼謀

長安風定月輪高萬戶人聲駭怒號兵火飛揚生輦轂香煙馥烈繞弓刀譚天有口窮三耳斫地填膺感二毛引虎深山還自衛只愁牧馬問臨洮

紅燈照夜燭天閨翠羽金枝銜異光神女山中空有夢飛仙海外本無鄉幻成蜃市凌虛影貌到鸞車絕世妝讀罷小戎翻一笑行雲端合想衣裳

礮車百道下奔雷
滄海魚龍噩夢回
忽地甲兵環虎穴
連宵烽火照鸞臺
藁街徒召蠻夷鮮
謀國空勞將相才
咄咄書空眞怪事
一條軟繡陣雲開

天府神倉筦北門
盤雕落日下平原
三軍持憲廉頗老
八部聯盟頡利尊
熾火焚旗秋黯黯
壞雲壓壘晝昏昏
修矛戟忘同澤
孤負中朝買鬪恩

月黑重圍鼓角涼
排空赤雁掠青霜
從官飛檄無枚叔
別將衝鋒少定方
驚鶴亂行臣罪重
龍蛇在陸國憂長
封疆已蹙惟須死
被髮依稀下大荒

杼柚頻空大小東
籌邊籌國兩無功
綢繆桑土天多雨
荒落蕪城日貫虹
扞網權輕中執法
點金術拙大司農
曉來聽漏麒麟殿
玉女牕扉半倚弓

萑宏碧血痛龍闈東市爭迎家令衣自是小臣辜薦牘敢
云上帝閉深扉劇憐獨活紅顏少欲詠同歸白首非虎豹
當關羊在牧騎箕怒挾萬燐飛

文成奇獄具王鈇驀見霜飛六月呼左道未干持斧怒沈
寃翻作竊鉤誅鈔連瓜蔓輕螻蟻傳遞烽煙恣貌獮白日
昭昭閭闔上覆盆誰爲雪無辜

疇咨岳牧重疆臣弓矢專征九命遵豔說麒麟圖紫閣幾
曾鷹隼擘黃塵歛歛嶺表誰陶侃飛輓關中少寇恂坐視
天驕張戰幟腰金照地爾何人

咫尺河西路阻深傳來消息半浮沈關山千里頻蒿目風
雪三秋警草心石齒籐穿危睥睨峰頭木落怯登臨鴛絃
彈徧知音少漫把微波託素琴

驂鷁翔虬上下招屈平忠愛寓離騷祇今夏沼猶銷暑自古秋江未解潮之子不來鴻雁遠可人無奈鳳鸞飄一編竟夕挑燈讀掩抑荃蓀狀鬱陶

倚劍崆峒事已非健兒久戍倦思歸爭隨馬足揮銅槩笑掠蛾眉伴鐵衣道遠不愁輿轎少城空翻喜橐囊肥達官徒步猶趨直餘燼難收烈焰飛

平蕪氈帳插千層雉堞荒涼未可憑衰草粘天纏白骨長楊踈地走朱膺選聲別館豪盤馬肄武高臺說瞭鷹記得上元簫鼓夜踏歌綺陌走春燈

疾風勁草挺盤根千古綱常繫一尊含笑九原同父子酬恩三世及公孫珥彤符紀忠貞里綽楔應旌孝義門天柱地維賴撐拄長留正氣滿乾坤

汪述祖字子賢號著林安徽休甯人光緒甲午進士現
官吏部員外郎有著林詩集

瞿園同年以東遊草見示卽次其題余雙藤寄廬圖

原韻奉題一首

袁子詩才今坡谷更譜新詞壓竹屋海外文章益雄奇我
今口誦萬徧熟憶自與君同曹司衙齋幾見古藤綠公餘
論文興尤高別後相思手仍握昨年君作東瀛行直欲乘
槎犯斗宿已從滄海駕六鼇還向扶桑濯雙足佳句一一
錦囊收揮毫幾令中書禿舟過神戶哀王仁驂停熊野弔
徐福馬關二章尤愴絕懷古蒼茫淚盈掬彼都人士爭倡
訓前于後喁聯珠玉要知中邦有人文自古及今信郁郁
讀君一卷東游詩如聽胡笳十八曲一詩傳鈔手爲胝不

如雕刻付棗木遠追中郎近隨園著述定可千秋祝祝君
更早樹功勳毋僅悲歌杜陵續

城門高

都門夜夜嘯城狐城門失火走羣烏
譖譖出出城上呼虬
柱虹梁一炬餘
翠華西幸復還都城闕重新煥規模工
師采木海國隅展轉萬里飛舳艫大者橈棟小構櫨施以
刻鏤塗以朱
帝念民力無征輸羣臣獻功爭奔趨或出
金貲佐
國儲慷慨輸將卜大夫樓成行賞
寵遇殊達
官顯秩紛拜除金印煌煌佩玉魚紆青拖紫及臺輿吁嗟
乎修城紀功功不虛守城受賞賞何如

姍姍曲

有美人兮來姍姍翠眉黃額唇渥丹舞衣長袖縫齊紈腰

聞玉佩青琅玕紅牙拍板鏤沈檀清歌嘯喉氣若蘭瓊柱
金絲取次彈蓮漏丁東宵未闌滿堂珠履坐團欒酒進蒲
萄綠不乾蠟淚凝紅堆燭盤鬢蟬釵燕幾挂冠翩然青鳥
來探看殷勤上訴翔雲端美人愕貽顏不懽去如驚鴻避
金丸絳河清淺起居難寄鶴一書勸加餐

楊華曲

青春三月楊柳花隨風飄入五侯家侯家簾幙重重護絮
亂絲繁天亦遮綠柳枝上鶯無數宛轉嬌啼天爲曙叵耐
東風上下狂卷簾仍放絮飛去莫言飛絮易飄零未肯江
邊化作萍年少王孫親折取章臺柳色倍青青王孫走馬
章臺曲道上行人目相屬夫婿封侯未可期陌頭楊柳年
年綠楊柳陰陰鎖翠樓一番驩喜一番愁春來柳絮迎風

舞春去楊華逐水流

陳列所謠

傑閣凌霄漢經營費萬千何人師卜式慷慨納金錢

富商吳懋

鼎報效工程五萬金商部入告得獎京卿

百丈鵝黃錦千金狐白裘明珠光燦爛更列最高樓

制器師前代猶傳景泰名蔚藍天一色仿造徧東瀛

京師工藝

以景泰藍爲最日本人亦學製

采綠多休暇同占五日期遊觀不辭遠日暮莫忘歸

星期五

日縱婦女遊玩

張鳴岐字堅白山東海豐人光緒甲午舉人現官兩廣

總督

九日登高放歌

此詩爲制軍肄業南學時所作由友人輾轉抄示師鄭記

巨靈夜擘華陰掌芙蓉拔地三千丈西風吹我最高峯一
筇去叩天門上九關漠漠不可開蒼茫今古生奇哀酒船
百斛銷不得莽莽塵界飛黃埃長安宮闕浮煙霧君門不
見空回顧飛費接棟鬱嵯峨云是當年徙戎處憶昔初通
東海波十洲琛賁紛星羅不因幪布開邛夔偶思蒟醬來
牂牁是時中國方全盛治隆粲旻洲澄鏡虎頭都護任班
超票騎邊功羞去病樞臣漸失婁維策防秋烽燧愁砂磧
黃龍清酒事如何梨樹金枷難再得海波蹙紫天風高長
鯨跋浪驅靈鼉但許仇鸞拜平虜太阿有枋甘人摻牢儘

亡羊問誰補銅駝陌上寒秋雨書生不合死沙場上書空
憤陳同甫我欲因之叫天闕猛犬狺狺煙霧沒寶刀斫斷
佞臣頭一腔熱灑朱雲血我欲因之達天聞蒼頭十萬吞
封狼功成復訪赤松子秋風叢桂飄新香如何瑣瑣爭牛
後北場南館紛奔走扶搖莫化北溟鵬折節空屠燕市狗
興酣落日西風來層雲萬里生陰霾人生只有一杯酒螟
蛉蜾蠃安能猜

冒廣生字鶴亭江蘇如皋人光緒甲午舉人現官農工

商部郎中在任候補四品京堂有小三吾亭詩文集

汪郎亭師

鳴鑾

招飲卽席賦呈

六首錄二

時局艱危換奕棋思量爛熟要官時南山種豆天無罪東
海成桑事已遲碧血祇憐新鬼哭白頭仍荷 聖人慈黃
門北寺紛紛是不信君看黨禁碑

百年三萬六千場莫上胥臺更望鄉 帝里鶯花常寂寞
故人雞黍暫徜徉樂天洛下耆英集宏景山中日月長結
箇茅庵佳處住白雲蒼狗祇尋常

北海琴尊敞畫屏疏慵到我眼猶青夢回錯過慈恩塔老
去休題野史亭一代斗山成著述千秋風雨走精靈莫愁
孝肅終無後耿耿霜河曙小星

贈孫仲容刑部

論議

許鄭無文章任沈寔經術千古滕薛爭一言齊魯失觥觥
孫仲子淵博罕有匹往籍多淪亡後生誤帖嚙窮年仰屋
梁一一爲梳櫛著有周禮正誼墨子間詁餘事工文詞藻采復秀出左
升儀鄭堂右入平津室始知根柢宏枝葉自茂密如水有
本源其流日汨汨咄哉一孔儒晦名不晦實

我聞永嘉學所重在事功止齋與水心議論尤閎崇方今
苦風塵豈復堪宋韓猛虎伺我西毒龍瞰我東豈伊陽九
厄將毋百六窮君獨爲其難宣習儒宗風發言旣偏宕舉
世誰余從時議爲興儒會茫茫神聖業役役衣冠中仰視白雲淨
青天何夢夢

孫子瀟先生詩冊爲師鄭題

江山詞賦太平年里社雞豚事偶然想見乾嘉風氣好烏
紗容易肯歸田

隨耆壽民閣學齡赴東陵途中雜贈八首

少年慕聲氣四海通縞帶自從官京師頗頗別蕭艾未裁
次公狂已學伯夷隘擇交近十年屈指得耆大相知在一
言世多目余爲狂惟壽民獨知余狷相期各千載長安萬悠悠往來盡冠
蓋誰能畧勢分推送到吾輩折節君可風忘形余亦太乃
知芝與蘭一氣成沆瀣

君家有高樓樓開見西山樓上萬琳瑯樓下千琅玕從君
借一鷗薄暮奚童還行間與字裏一一施朱丹近來時世
變束書恆不觀君獨胡爲者窮年心力殫不鄙敬禮文磨
石將雕刊三年負夙諾日夕慚心顏轉因交情深言淺非

所安終當償息壤嘔出長吉肝

壽民嘗要余爲見山樓藏書記

國家都幽燕形勢天下雄居庸峙其北馬蘭障其東與君

十日來脚底如轉蓬曾指蚩尤城緬想黃帝功揭來瞻馬

首復訪松亭松

時與壽民均從張家口歸

生長江南鄉氣候多冲融一

從來北地塵沙凋顏容不嗟行路難所嗟吾道窮方今九州內瀛海相交通天險化爲夷有谷無泥封斧柯不在手憂國徒忡忡怪來聲變徵不中黃鐘宮

初夏游盤山奇特得未有作詩歸眎君沈吟不去手繪圖

當卧游我詩殿其後詩或不足傳此畫固不朽有約持雙

螯登高作重九誰令咫尺間坐使風月負迷陽一傷足幾

等柳生肘

壽民約余此行再游盤山以在回首謝山靈百張家口雲泉寺失足受傷不果

罰不辭酒

邦均地名有唐槐臺立前朝寺

謂天齊廟

自慚兩度來探訪未一

試僕夫向我陳搖手戒勿至庚年遭兵火瓦礫餘滿地誰
知樹婆娑固未盡生意雨餘穉自重歲久癭成贅因憶慈
仁松共云凋晚歲南皮老尙書好古至流涕我時約陳衍
姑作萬一計失喜入門來蒼翠列鱗次

此癸卯年事陳人石遺有詩紀之

言未可聽神物豈終闕寄聲眼前人慎勿失交臂

一宿同燕郊再宿同薊州夜長不成寐共數平生游我言
山塘路最好當涼秋傾城集士女簫鼓紛船頭目成許亦
可眉語防難周脂光與粉色水面香浮浮當時不自覺此
樂難追求君言秀州道記得停行舟人家盡臨水籬落殊
清幽其時雪方霽一樹梅花稠下有浣衣人紅妝照碧流
至今七八年好景心眼留閒官苦束縛舉動不自由何當

逐鷗夷一解卒歲憂

曉行桃花山山色媚朝陽他山淨若鏡此獨施嚴妝離宮

眩金碧老柏森清蒼記從薊州城並馬同徜徉

謂春間與壽民及信

三舒民同游桃花寺事

昔來桃未花今來葉已黃秋風淒以厲瑟瑟

鳴長楊感此景物殊坐惜馳流光此時念信三

謂舒民

好夢

方繩牀

信二

謂懷民時爲緩遠城將軍

君中表儒雅敦詩書去年來京邑與我

得相於損書久不報所恃惟區區本來情性合不在形迹

疏頗聞鈴閣下時時苦念余別來歲已更問我詩有無豈

知江郎筆未老花先枯仕宦久不進才亦與之俱煩君致

一辭爲我承興居漢時昭君冢秋草青何如

有寄

側身天地吾猶賤垂老江湖爾未閒空有誓詞留篋笥又
將歸夢落關山曉中明鏡枯春影愁裏征塵損玉顏淒絕
西河沿畔月照人匹馬夜孤還

梁節庵以病乞休聞其有廬山之游作此詠之

合眼便憂顏色改癡心猶望諫書來萬方多難生何賴中
歲歸田事可哀迢遞白雲山名親墓在飛騰蒼狗壯懷灰聞

君早晚尋匡俗夢繞匡廬日百回

得陳其年洗桐圖於厰肆輒賦四絕句圖作於康熙庚申

五十功名事已遲洗桐圖卷繼填詞紫雲老去楊枝逝畫

裏思量又是誰圖中畫兩童子洗桐

湖海平生膽氣粗中年落魄小三吾烏絲其年詞集名射雉其年

詩集名搜尋徧祇恨題襟一字無余見國朝人手勦最

癡想詞科繼大賢
參軍蠻語悔爭傳
柯亭劉井都無著
合眼興衰有百年

過江誰問舊池臺
寥落荒庵剩古梅
十載并州魂魄戀
當他遼鶴一歸來

喜裴伯謙入關

過嶺詩成又出關
頭顱萬里竟生還
重談憂患心猶飽
歷星霜鬢儻斑
河漢東流終到海
崑崙西去更無山
諸君試上祁連冢
多少孤臣未賜環

八十高堂白髮親
喜心和淚說歸人
艱難子弟都成立
喪亂圖書半苦辛
到日好編行戍稿
餘生猶作太平民
淒涼

二范

肯堂仲林

都黃土不及從君墊角巾

廉 泉字惠卿號岫雲江蘇無錫人光緒甲午舉人現
官度支部郎中有岫雲山人詩稿

移居小萬柳堂四首

多病登臨倚夕曛帆幘歷歷鏡中分
凡蘇舫往來可於山衣鏡中辨其帆影
人不管人間事只占清谿與白雲

隔岸誰家住水濱
檣籬茆屋自爲鄰
休嫌不及東家老一

曲江灣好避秦

對岸爲吳氏九果園河流至此一曲與吾堂各據其勝

曲曲闌干短短籬黃金不惜買花貲
西山猿鶴今無恙未

許寒盟賴有詩

往年養疴於京西潭柘山中自號岫雲山人下山時仍訂後游有西山猿鶴未寒盟

之句今由小萬柳堂至萬航渡一路松篁陰翳彷彿入潭柘也

沿壁幽花無數開朱藤繞屋蔭蒼苔
虛窗夢醒月初墜一片櫓聲帶雨來

紫英以無米見告詩以答之

九州何處可樵漁爲愛清溪且結廬繞樹看花吾亦得牽
蘿補屋爾何如驚人詩句飢難煮老去豪華氣漸鋤日暮
空庭喧燕雀稻粱謀拙已無餘

漫把牢愁問大圓風波暫憩亦翛然閒拈楓葉開吟社飽
食桃花不種田客至自沽村店酒家貧惟有惠山泉流亡
滿地無人管聞道一筵擲萬錢

伯希祭酒前題小萬柳堂
圖有奴才恣揮霍一筵金

大萬
之句

胡思敬字瘦唐江西上饒人光緒乙未翰林散館改吏部主事現官掌廣東道監察御史

庚子紀事詩

錄七首

四字紅旛夜集梟春燈謎語雜歌謠可憐一炬成焦土使相登樓拜火妖

捷書一夕達甘泉六貴同朝拜賀箋欲倚淮東平寇難高駢但解媚神仙

灤洲燈影幻妖烽牀上癡猪欲化龍十族牽連同日死大將軍是酒家傭

十萬纏腰上玉河沙棠載使盪秋波嗷嗷野哭多新鬼薤露聲中發豔歌

宗伯辭官早積疑當年各在黨人碑荒陵暮雨昌平道一

騎從亡哭路歧

朱家結客散黃金酒後論交一片心末路慘遭文字禍空
餘一劍作龍吟

擊筑悲歌酒未銷尊前涕淚聽童謠百年文物消沈盡相
宅淒涼賣賜貂

俞鍾鑾字金門江蘇常熟人光緒丁酉舉人

松禪舅氏舊藏明楊忠愍公獄中與子書真迹出示

命賦 此書與傳刻者迥異

高皇廷杖創刑酷鎮撫甚於北寺獄肝腦塗地亦君恩天
鑒傷心不敢哭椒山有膽精鐵生五奸十罪霹靂聲青詞
黃籙醉司命鈴山死氣獄結成桎肱手寫血滿紙割肉斷
筋枯十指備陳撈掠詞不刊揮斥蚺蛇好男子滿城春風
枷鎖香忠愍句洋洋就義如平常家書流傳五百載動人忠
孝淚滿裳諫草堂高天尺五楊左獄沈冤更苦一網打盡
誠快哉從此金甌闕誰補吁嗟乎忠臣亡國脈傷忠臣絕
國乃滅

忠愍書係紙本高盈尺長丈餘字大於錢行書作爭坐

位體微脫數字爲翁松禪相國師所藏俞君金門爲翁師之甥師自戊戌還山後與金門時時唱和辛丑冬間出此藏帖示之并令臨寫一本且加題詠焉卷中有湯倭二文端題語今附錄於左以資後人攷鏡孫雄識

此楊忠愍公獄中與子書也忠義勁直之氣溢於楮墨觀兩眼觀心意不敢亂及椒山自有膽數言知所得於養心養氣者深矣咸豐甲寅夏至前三日蕭山後學湯金釗謹識

楊忠愍公劾嚴嵩剛正之氣充積於中固已置身度外故雖備極慘毒而不能傷其生者其天定也非具此一副貞心鐵骨不足當造物玉成後學倭仁謹識

汪榮寶字袞父江蘇元和人光緒丁酉拔貢現官民政部左參議

有感

戊戌八月
十首錄七

蘭陵祭酒口談賢結客名都半少年劉向校經攻百兩牟
長著錄過三千連雞雅擅縱橫策乘馬還分甲乙篇從此
燕齊迂怪士始知海外有神仙

莽莽神州漸陸沈蕭蕭漆室有哀吟竹林逸簡標師說桑
落淒辰見霸心多難豈應吾道絀上書祇恐 帝闈深詔
符幾輩休騰誚十里蛄聲未得瘖

旁行書到達官愁儘有綈繒未足酬霸越奇才思范蠡變
周經術託何休升車慷慨傾三輔倒屣逢迎徧五侯聞說
孔公修薦表雲霄一鶚好橫秋

風送朝珂近玉除承明謁 帝此權輿初聞賈誼叨前席
別詔劉安進外書反袂傷麟無復爾持刀厭虎竟何如孤
芳祇恐經秋歇多種江蘺與揭車

早倦離宮聽八琅鑪香扇影不會忘金根歸駕秋傳訊玉
檢靈書夜吐芒重起甘龍修廢典卻勞扁鵲製神方水衡
新奏雲斤技未許寒鴉度苑牆

觚稜回首日西曛哀痛天書不忍聞自是桐宮甘罪已何
嘗丹穴苦熏君銀瑤夜醉開東閣玉卮朝飛試北軍欲叩
九關訴眞宰迢迢河漢有浮雲

斬關空復破廬罌早佩靈符咒辟兵聞得珠襦臨武帳公
然玉貌去危城甘泉豹尾縈魂夢滄海鳴夷變姓名縹馬
闔風應返顧高邱無女淚縱橫

夏仁虎字蔚如江蘇上元人光緒丁酉拔貢現官農工商部主事

宿棲眞禪院

沈沈深院亂花局負手長廊酒力醒小閣籠燈迴淺絳碧
天如水點疏星庭空步月初中影簷靜無風自語鈴清露
滿襟渾未覺簫聲猶隔短牆聽

宿海淀直廬

林風響蕭蕭夜坐疑雨至攬衣步前除明月正在地鄰溪
水夜漲羣蛙開鼓吹牆陰光出沒螢火燭深翠余懷茲以
適獨立久忘寐翹首望太虛碧空淨無翳

四箴詩

緩行篇

齷齪市上兒紛紛誇疾走長脰能跨竈捷足夷峻陡努力
爭揚前自謂得雞口所恨天無階甯嫌出自牖嗟嗟世途
脩巖險靡不有百里半九十九似覆一簣一朝遇蹉跌動
乃得愆咎涉遠輒里閭登高自培塿防仆慎其趨利行貞
以久勿爭長者先請從大夫後行道致有福視彼扶杖叟
遠覽篇

昔有離婁子明能察秋毫窮精在方寸不見泰山高舍遠
圖其近視官徒爲勞矧哉局咫見盲聽誇其曹遊目向九
洲流觀良足豪安知九洲外復有人如毛糞壤悅蜚螭苦
李飽蟪蛄甯能語蘇合那復知蘭膏局促復局促得失信
所遭掉頭腐鼠嚇遠覽慎翔翱

防舌如防川發言如川決川決猶可禦言存久難滅慎哉
金人銘緘口警前哲樞機慎其微陰重期不泄盛德自愔
愔嗔夫徒喋喋維口乃興戎矧今世途艱折彼鸚鵡翼獵
此猩猩血曾無抹禍患空自誇幡捷淵默誰測深利口不
如啞願言師吉人發語期中節

審處篇

良禽不擇木困羽罹樊籠脩鱗不擇淵涸轍悲途窮名士
不擇處往往不有躬先機一以昧退遂鮮所容昔者灌將
軍五陵振英風傾心結武安栢洒血濺紅墜淵與加膝乃
在喜怒中趙孟能貴賤呼蹴衆所從峨峨冰山高或有朝
陽烘悠悠惡木陰振落霜飆雄唯倚者故仆攸往有終凶
吾欲懷芳馨獨立蓬萊峰

樂師曲

瑤池昨夜停歌舞一尺紅綸掩塵土子晉平拋鳳翅笙雙
成罷擊麟皮鼓白髮紅顏老樂師當年供奉霓裳部投梟
一笑賺東王法曲三千獻西母尋常獨見天顏喜亂擲纏
頭錦如雨此時聲價重班頭減字偷聲出機杼多少散仙
思學曲擲笛爭摹羽衣譜因緣方朔竊餘音憑藉飛瓊求
妙緒聞道曉來奏樂還門前鶴蓋紛難數忽然一夜雪花
飛鸞馭西行返煙霧寂寂瑤臺掩落花沈沈青瑣迷芳杜
叫徹天閭天不聞靈脩浩蕩愁雲阻平明牽犬出東門直
視黃塵黯無睹舊時子弟總飄零霧散煙馳更何許淒絕
龜年已白頭抱琴獨共斜陽語

李稷勲字堯琴四川秀山人光緒戊戌傳臚由編脩歷
官郵傳部左參議有李伯子詩稿

秋興

明滅旌旗海外山秋光淡沲有無間寒生馬色黃成霧冷
逼潮聲綠到闌壯士驚心銷白日美人遲暮怨朱顏橫飛
寶劍空凝雪梁稻差隨雁鷺班

采蓮纔過若溪頭疊雪羅衣忽撫秋明月蘆花孤夢醒白
門楊柳一時愁空山望遠驚聞鳩商氣愁人不到鷗獨有
斷腸韋刺史霜鐘蟹火憶蘇州

雁聲

木葉下如雨關山雁叫霜夕陽亂砧杵清夢落瀟湘笳吹
五更斷邊聲八月涼近來機弋巧見汝已高翔

都門竹枝詞

紅襦錦袜五陵子白馬金羈四姓侯
擣取流塵爲麝粉一生香輒不知愁

城上草根青覆牆城下蘆葉晚飛霜
野火燒蘆任灰滅北風吹草難禁當

祝張潛齋尙書師六秩 賜壽

黃星下燭九城陌軒蓋峨峨尙書宅
閭闔深冥瑤沼春皇穹白日精誠格宮中
聖人坐蓬萊三殿傳呼 敕使來

東掖煙花動仙樂南極星辰映上台
司徒皤皤今國老金門射策聲華早
萬言累陳政事書四海爭傳經進稿

興朝人物盛湘中清時名德四國崇
關西夫子楊伯起江左夷吾王茂宏
一朝瀕洞風塵惡夢醒觚棱轉蕭索橫流

大地起龍蛇故苑西風冷鵲鵲

公久直南齋庚子之變方視學廣東聞警輒拜

表解職奔赴行在

杜甫麻襪武功道陸贄痛寫興元詔忍見漂搖

四百州中原北望但悲嘯乾樞坤軸自轉旋

六龍迴轡

散烽煙攀天望蹕千官在復旦重睹義唐年

公時先驅

砥皇路霓旌

翠輿杳煙樹河山風景尙依然城郭人民

已非故吾

皇神武覽八荒

堯門受訓開明堂遙通九

譯交地絡大張四維恢天綱元宇沈沈天尙夢

詔起微

學罷鄉貢

公作新程下校官驚雷發蟄萬萌動黃髮丹

誠抒遠猷閎攬百家搜九流中散清狂步兵哭紛紜口語

成訾尤南箕燄燄揚赤舌國狗狺狺吠城闕孤忠獨荷

聖主知讜謀常令遠人懾四國起居訊司馬祥星正見長

沙野

兩宮問年班上珍前有壽州後廣雅

今年二月壽州師相八十

四月公六十六月南皮師帥七十先後賜壽如長安四

禮三公皆負海內重名故一時相傳以爲佳話

月花正繁漫街車馬如雲屯入門平揖諸侯貴接坐方知
上相尊賓筵歌動梁塵雪璫瑜舞跼猩紅褶酒光漱豔玻
璃盆燭影如龍綠煙熱繡華旖旎傾朝市清歌旨酒皆

君賜玉壺常懷一片清金鑑自有千秋事畫錦堂畔花成

茵屏風佳句字字新衛公耄學宜歌雅洛社耆賢自主賓

百牢嘉饗千觥醉願公多福爲國瑞諸天花雨春正長

美意聲聞無量歲

時兩宮賜物並有無量壽佛金像一尊吾師博與宏受萬善平等大年之符

此其第一勝
因故以爲頌

王式通字志盦號書蘅浙江山陰人寄籍山西汾陽光
緒戊戌進士現官大理院民科推丞

詠宋樓藏書源流考題詞

十二首錄十

意輕疏雨陋芳椒賓客文章下筆驕割取書城歸舶載蘋
風悽絕駱駝橋

儀顧堂前子弟佳一家志趣尙難諧清風輝映吳興郡晉
石庵承咫尺進齋

丁董羅陳嗜好偏書亡同損一宵眠重思獻縣違心語泡
影山河祇偶然

翁潘大雅今銷歇江費風流並寂寥坐使靜嘉騰寶氣人
生快事讓君驕

調停頭白范純仁俯仰千秋獨愴神有客爲書曾乞命湘

濱宿草已三春

巴陵方與歸安陸一樣書林厄運過雁影齋空題跋在流傳精槩已無多

歐化東行漢籍摧書生有志力能回竹添餘論篁村教育家學師承造此才

未窺舊籍談新理不讀西書恃譯編亞槩歐鉛同一映千元百宋更懵然

三島於今有西山海濤東去待西還愁聞白髮談天寶望贖文姬返漢關

如海王城大隱深遺經獨抱幾沈吟白雲蒼狗看無定難遣牆東避世心

傅增湘字沅叔四川江安人光緒戊戌翰林現官直隸
提學使有廬山遊草灤陽小草

遊獅子園園官張千總談舊事有感

憶昔 文皇狩北邊山林望幸敞芳筵曾充駙卒趨朱邸
親奉賢王執錦韉縣上龍蛇羞得路淮南雞犬詫升仙園
官八品垂垂老飽啖雲泉五十年

避暑山莊歌 有序

庚戌秋仲子役灤陽請於都護得入瞻覽窮勝二
日始得泰半西南林壑咸未涉及迴棹灤河蓬窗
低陋蜷伏盡日追爲此篇匪云紀勝聊以賦哀云
爾

山山環翠拱灤陽御苑天開避暑莊別館離宮三十六題

名處處是

仁皇

三十六景所定皆有題詠

聖祖

仁皇御宇持恭儉

六十年中世清宴周巡塞北復江南清涼更啟披風殿參

差殿閣連雲起迤邐宮牆十餘里荷花世界柳絲鄉宛然

一曲明湖水西北雲山倒景多蒼松石逕轉坡陀琳宮梵

宇清鈴鐸

園內永佑寺水月菴旃檀林等八廟

月館風廊老薜蘿湖山秀麗

天然足宸游到此開清淑欲以茅茨守古風不教雕績爭

華俗會讀山莊御製篇靜觀妙契託林泉時巡車駕秋行

獮展覲王公夜啟筵累洽重熙忻鼎盛懿哉純廟真神

聖年年長作木蘭行詠蕩天門開麗正因緣天語悟前辛

山莊成於康熙辛酉年時為巡狩之舉

高宗御製後序有此中因緣不可思議之

語

水榭巖齋次第新亭館補題三字額

乾隆十九年

高宗於聖祖御題

三十六景之外再題三十六景標題皆以三字

峰巒渲染十分春

高宗續建各處多在西北山

後

卷阿勝境長供養

高宗歸政後三至山莊駐蹕卷阿勝境

睿聖規模亦

英壯廿四年間十七巡仙居福地宸懷暢從來盛極伏衰

徵再世南州盛甲兵不省輸金歸將作微聞罷幸出公卿

宣宗時罷幸裁修繕費數鉅萬

甘泉昨夜傳燧燧匆匆又見鸞輿至寢

殿親題樂壽堂

成廟所題僅見此額

堯癰誰解宵衣瘁捷書盼斷

羽書馳惻惻宮車晚出時玉砌苔生金殿閉至今煙樹尙

含淒小臣問俗初經此瞻拜靈區歎觀止林壑休爭蜀越

奇亭臺占盡東南美高閣文津駕石渠名樓煙雨似鴛湖

此兩處乃重建者

當時宮館多難識勝跡虛披舊畫圖三朝寶翰

留題遍仙府瑯環世爭羨誰和先皇雪獵詩英姿留向圖

中見

永佑寺拜觀雪獵圖二幅

仁廟大獵圖一幅

純廟御製詩

風物清佳

信足留偶然懷舊轉悲憂悠悠旌旆思千里莽莽風煙變

九秋昨者行經萬樹園當年列幕會羣藩埭上草柔誰試

馬祇今馴鹿擾宮垣

萬樹園平郊數百畝當時宴藩部王公百官於此列帳數十陣百戲放煙

火有試馬埭在其中地敝草柔今則馬空而馴鹿數百游畜其中

頽垣敗礎空蕭瑟列校

分屯尙千百白首秋風淚暗彈夢中猶望鸞旗色

園中防兵數百

人月餉得九錢餘八

將軍雅意愛園林營繕分頒少府金

九品武官月俸三兩歲修四千五百金工作不輟視前日差完整

啟鑰常來重譯客

時有外國客持外部文來游

防秋誰識聖人心君不見昆明池水西山綠翠華去後無

消息圓明一炬化如煙盡日寒泉漱珠玉閒話先朝淚滿

襟邊雲淨歛海雲陰聊將塞上悲秋意坐對宮花取次吟

趙椿年字春木號劍秋光緒戊戌進士現官江西候補

知府

國北先生之曾孫 光緒丁未由農工商部奏調在參議上行走

題張瓊隱舍人長毋相忘室填詞圖

五夜誰歌起夜來鼠翻蝙蝠總驚猜決無長別能如死

義山

詩遠別長於死

總有相思也作灰崇讓宅中塵簞在德宮坊裏壤

絃哀銷凝賀鑄新詞筆腸斷江南舊玉臺

去日長繩繫不牢新愁膏火鎮相熬三生同命迦陵鳥九
地招魂屈子騷任取因緣歸電幻好將消息問華初瑤池
若再逢紅頰爲道千年有碧桃

題王幼霞侍御所藏陳沅小像

花草吳宮黯不春麻姑慣見海成塵難爲劫火昆明外尙
有華鬢自在身

秋老幾睂月一寮滄桑情味太無聊軍前未得降徐海翰
與臨淄馬翠翹

祭酒篇章錦不如專城猶是益州居滇池殘夢他年事恨

少詩人史筆書

鄉親已自憐蘇小

沅為吾郡金牛里人

圖畫猶防妬尹妃

府中稱沅為邢夫人

誰識江村紅相樹舊枝曾有鳳皇飛

送汪皕亭師南旋

描畫歐陽滿九衢又看笠屐別成圖天教遭際符姚宋

事見

姚元之傳

人仰杭吳有白蘇官比嘗黿原略似

師嘗舉先祖甌北公好官滋味

畧嘗黿之句以自比宦况

田如謀鶴未全無解溪自具閒邱壑不向臨

江問木奴

時望文星接斗魁豈知憂國鬱奇佺艱虞力挽千鈞髮宏

獎勤求一世才填海精誠期有效籌邊懷抱總難開只餘
隅坐階前士曾見頻年髣髴來

扁舟欲去尙遲遲忽漫秋風及此期金闕觚棱增眷戀師作

乙未雜詩有鎮日鄉心如轉轂觚棱瞻望輒低徊之句玉堂鈴索惜分離翁司農師贈行詩有

玉堂蕭條闕鈴索君去我留誰與樂之句相從欵段優游地一笑車帷閉置時

只恐蒼生要霖雨五湖未許老鴟夷

相依嘗覺負思私況復相違感路歧一物公皆教得所十
年我獨荷殊知南行未獲從丹漆西笑空憐溷素緇惟幸
東山前事在重來原自不多時

戊戌五月虞山師相被命南旋瀕行以先甌北公

珠江驪唱詩冊見貽謹用冊中原韻賦詩申謝四首

五色何曾賦日華累公藻鑑眼疑花詩書麴蘖同千載師

友淵源屬一家

先伯祖明甫公王子椿年己丑攷中書爲公

廷試文端公讀卷錄取今冊中和詩

又首覃

溪先生唱和郢中皆白雪風標天半總朱霞惟慙舊武難

繩繼學海沿洄未有涯

苦憶當年吏隱堂長官風雅絕班行公廷禮數寬韡昧客
座琴尊抵瑟簧別酒惜催乘傳馬天厨曾飽大官羊開元
全盛今誰見賸展遺縑向夕陽

帝師繼世卅年間垂老江湖許覲還文集會昌成一品清
名司馬在諸蠻關心先澤蒙留賜翹首公門得重攀差喜
南行瞻謁近不須歸夢感王灣

十載西清傍日邊可堪獨去謝羣賢玉堂天上人終遠銅
輦秋衾夢最先入世心情嗟李涉傳家孝友勉張遷師恩
祖德俱宜念況復相貽在別筵

王守恂字仁安直隸天津人光緒戊戌進士現官民政

部警法司郎中

宣統二年授
河南巡警道

聞笛贈嚴範孫太史

此是誰家擲笛聲背鐙小立卻關情發書陳篋空千載問
舍求田誤一生性耐孤寒無豔福詩多落拓得清名知君
夙有經綸具願老青瑣望太平

書空

霜林落後秋無迹又聽蕭蕭送北風過去年華隨世改生
來志趣與誰同縱橫才調消磨後多少知交困頓中小步
庭階看夕照長吟未罷且書空

贈言謇博

陡地風雲過眼休殘陽依戀樹東頭才華漸老羞新進好

友重逢訴舊愁關塞離情杯有酒江河生計釣無鈎壯年容易悲雙鬢塵海迴瀾竟日流

贈言百藥

伯仲論交久曾聞季子才相思勞夢想投贈喜詩來馬駿心原壯雕盤眼自開試從高處立俯視指蓬萊

哭謇博

何處來凶耗傳聞儻未真遺詩仍在篋老友淚霑巾契合文章雅交期骨肉親君年猶少我先自脫勞塵亂後未一面從今永別離頻年嗟薄宦傳世只新詩太息徵君誄誰鐫有道碑且申泉下約願得見君時

回頭

年歲如流水回頭念念非灰心逢末路隱患昧先機淡白雲無迹高寒月有暉可憐孤燕子難訪舊烏衣

吟詩

春光慘淡不成歡借得吟詩且自寬取徑深幽行跡少發聲微妙賞音難酒痕空在衣邊認花影全從鏡裏看此後好懷能有幾夕陽容易上欄杆

感春

聞道春光海上歸一時得氣花成陣無端刮地飛塵沙或入青雲或落溷書生何事來帝京徒抱不平向誰問避人破帽日闌珊吐語無聲氣難振似欲獻賦大明宮伸紙又嫌筆鋒鈍不如挂冠早歸田自閉柴門卜肥遯如何棧豆

久流連霜華雪色壓雙鬢人得雲程已萬千我移步履無
分寸今年有客來田間云說旱荒涸桃汛長星彗孛屯甘
霖夜夜風狂月作暈家無田畝無屋椽勸汝姑留待時運
作苦得錢養妻孥但免饑寒莫愁悶夕陽放鵲鈴有聲鈴
聲入耳發清韻才人老去慣逃禪談經且學南能頓

連日讀古今人詩戲作

吟詩休說古人多古人雖多奈我何古人往矣不可作天
復生我能吟哦我生自然有真我誰能阻我爲詠歌不知
有人況今古縱橫上下同包羅無風吹水水不動風水相
遇生微波涓滴甘泉只一勺奔放千里成江河行文有訣
亦如此工巧能奪天女梭幽居避喧得詩喜已忘兩鬢將
皤皤好春一去不復再惜花如癖終受瘥年華逝水去如

激老來難望朱顏醅素琴孤張有餘響敝帚自享常摩抄
門無隙地駐車馬不許俗客輕相過眼底寥寥少知我自
好所好誰云阿我詩雖醜可自信自動機軸非由他萬疊
晴雲綠滿郭液池得雨開新荷久住帝城萬人海我心淡
似居煙蘿

題先師范伯子詩集

我心有詩寫不出往來奇氣蟠胸中偶然涉筆作吟詠一
鱗一爪非全龍當代有人善鑲錯亦或出水峯芙蓉惟我
先師范伯子鯨魚掣海天能通晚有弟子苦詩小辜負座
上披春風人間尙有淩虛管發聲天漢俗耳聾過眼滄桑
十六載少年今日成老翁

結處用本集第九卷見和詩意

言懷

連朝案牘添塵累稍得寬閒便有詩酷熱漸過炎夏日新涼已到早秋時樹當長晝留清蔭花更多情戀故枝我欲言懷言不得何妨莊語作支離

次韻答耆壽民

未能長揖謝時流袍笏登場本類優強欲吟詩尋范陸敢將談理笑楊游羨君竟作市朝隱計候新逢天地秋傳子一經原貴早著書豈待雪盈頭

次壽民邊字韻七律

竟從苦惱結因緣噩夢無端到枕邊香草不芳除舊種秋花含淚泣餘妍珠沈碧海寒生月玉暖藍田冷化煙獨自淒涼題錦瑟漫將心事說樊川

袁嘉穀字樹五雲南石屏人光緒癸卯翰林現官浙江

提學使

君於癸卯得館選後卽應經濟特科

廷試

列第一遂授職編脩
袁祖光云君詩筆清

音節

近唐人

聞人道安南事

太息交州鬼怒號烽煙衝破瘴雲高射潮今日無强弩橐
矢何人助大刀旌旆諒山雄露布輔車滇水駭風濤要盟
竭盡蒼生力爲報 君恩敢告勞

含沙如蜮日披猖西貢開邊引盜航貽憾和戎師魏絳苦
心矯詔歎陳湯策輸狡兎營三窟軍散寒鴉泣數行累代
藩封一朝撤可憐殺氣莽蒼蒼

航海

二更月黑海天空燈火兩三遙處紅旅順何辜投有北瀛
洲無力障之東要盟難保鴻溝信侵食終憂馬市同魏絳
九京猶可作幾曾棄地詎和戎

地遙天近混乾坤鍼指南行出海門黑水澄波誰潑墨黃
河涓滴不成渾冷風低壓煤煙重暑日高蒸霧氣昏獨有
白鷗驚浪起送船叫客怨難論

高毓澎字潛子直隸靜海人光緒癸卯翰林官編修有

潛子詩鈔

章梈云君推究中外之故抉擇文史之精月有成書高可數尺其詩則抒寫素懷風

旨微遠非與雅故莫可蹤跡多難恒寄於詩古體上企曹劉近體多肖梅村阮亭

思君行二首哀胡夢薌太史

皓皓復皓皓思君令人老

古詩句

所思一何遠別離一何早

昔君同遊仙同遊扶桑島扶桑東海隅山水清且好今來承明廬從君事搜討君在方須臾君去益茫渺晨風驚北林朝露晞幽草有恨問太空太空光皎皎有淚漬西江西江波浩浩中庭月如霜粲粲天將曉坐起一長歎怒焉心如擣

歲月忽馳驟思君令人瘦

杜詩句

四海皆交遊所重在邂逅

浮雲蔽白日巖石穿泉溜生離猶可期死別安能復同在

輕塵間豈有金石壽北山生燕支南山生荳蔻荳蔻不久
香燕支色易舊君在咫尺間生死不相救君去各異天相
思寧能究魂歸何處來陰陽錯昏晝中夜不能寐聲聲數
殘漏我躬方在疚涕淚盈衣袖

客中初度二首

青衫憔悴尙塵寰下土幽栖晝閉關悔任春華拋宦海愁
聽落葉下空山不爭名世千秋業難得浮生一日閒三十
二年辛苦盡何時許共白雲還

洛陽冠蓋競聲華並轡黃塵計總差大道相逢多鬼蜮中
原何地蟄龍蛇絲絲情網都成劫浩浩生緣未有涯莫訴
十年商婦怨更無司馬解琵琶

聞韓事有感四首

夕陽天半送殘霞無限秋聲入暮笳天闕九關藏虎豹地
窮三島豢龍蛇淒涼蝸角難爲國冷落烏頭未有家木枿
蔽江王氣盡藩籬已盡棄珠崖

高天孽雁總驚弓氣索強奴片語中爭向鑊湯求避熱漫
憑槃血講和戎小朝寂寞千年辱內禪從容五技窮四十
萬金酬下駟可憐赤芾誤曹公

颶風霪雨苦侵尋赤日沈天永晝陰填海冤禽空碧血滿
山荒草總紅心悲歌易水彈鉛筑涕淚雍門碎玉琴獨立
高峰觀蟻戰已教愁比怒潮深

茫茫前事劇堪師蓄艾三年計未遲從此鼾眠鄰卧榻更
無勝算理殘碁弱韓不信秦謀狡帝魏應知漢祚危六蓼
不延薇蕨盡彫零殷孽更何之

同鄉諸君招飲於日比谷公園松本樓寫真賦此

霜風淒淒天始肅攜手同遊日比谷高秋草木生蒼茫落
葉飄蕭滿山麓最難異國多同人酒邊橫劍談時局自我
東行三月餘荆棘參差日盈目東隣半壁併豪家行見殷
民化異俗長蛇封豕心何厭忍過屠門供魚肉巢燕安知
大廈傾營營名利紛蠻觸元黃爭戰血盈野吉網羅鉗興
黨獄停盃四顧心搖搖擊碎唾壺不敢哭磨牙當道飽豺
狼浮游水上來虺蜥懸弧生抱壯遊志奮翮寰瀛願未足
江山如此我何心眼中野馬相追逐諸君素負名世才太
息何人與推轂難上九閭叩天帝忍見神州竟沈陸登樓
一望海雲垂燈昏雨冷穹廬覆今朝莫作等閒看雅集圖
成題一曲請君爲我且高歌和君吾家漸離筑

蔡寶善字師愚原名震浙江德清人光緒癸卯薦舉經
濟特科官陝西候補知縣有籀經堂詩

薄病偶述

不堪身世尙蹉跎錦樣光陰擲逝波病後閒情消似水尊
前客淚瀉成河從知久別難爲計但覺微名累我多便擬
買山歸學佛一龕燈火誦弥陀

述感東江西諸友

白袷初裁又及春江山題徧墨痕新因看芳草懷公子爲
折疏麻報故人古道關河愁似海湖橋更鼓月如銀客中
容易生離思明鏡朝來已點塵

春思

零星往事散如雲鳳泊鸞飄萬緒紛惱我風懷春似夢中

人蘭息酒微醺豪情消盡青萍劍好句題殘白練裙莫向
東風閒指點落花容易送斜暉

如幄桑陰滿碧潭遶隄楊柳更毵毵泥香古社迎新燕風
煖田家祀早蠶三月鶯花懷院北上春羅綺豔江南東船
西舫愁無際惆悵清溪水蔚藍

惻惻輕寒壓絳綃吳興此日最魂消樓頭飛絮愁蛾損陌
上香塵驄馬驕是處清歌傳白紵等閑玉簡授青腰孤吟
薄醉都無賴腸斷當筵紫玉簫

沈沈蕭寺掩重門心事寒缸細較論殘月曉風緘別淚生
煙疏雨畫愁痕聞歌大有中年感倚劍徒慙舊日恩此際
天西應憶我海紅簾底正黃昏

夢游仙詩

飛夢何因到大羅碧城十二悔經過蒼龍尾重剛風緊清
淺蓬瀛凍不波

萬朵瑤花下玉堦青鸞仙帶舞風開神光照見天人影霞
帔星冠紫府回

雜詩

中宵不成寐起坐理瑤瑟天風吹海濤奇響裂金石成連
不可尋古調忽中絕一彈再三歎淚下霑胸臆何如滛蠅
聲靡縵蕩魂魄

不寐

耿耿星河病乍停屋梁斜月思冥冥摧絃無限人琴感風
簫西鄰不可聽

近得李君緣
寶計故云

上海

漫從槎客說瀛洲破浪來看海上秋天遣島夷歸禹服此
邦形勝振狂流衣冠萬國圖王會花月千門記壯游我欲
乘風探八極煙波浩蕩使人愁

羅綺成圍錦作堆車聲五劇殷輕雷風狂意氣胭脂海天
老英雄翹蘂媒似水繁華春不夜如煙好夢去堪哀懷人
無限桑田感作賦當年有異才

蔣先生劍人賦上海詩有
句云一城脂夜盪花妖

贈吳康伯

相看奇氣尙縱橫莫聽尊前變徵聲薄海幾人知季子平
居有客似長卿可能姓字出山重豈有文章入世輕寄語
閒雲須鄭重好求霖雨慰蒼生

黃兆枚字芥滄湖南長沙人光緒癸卯進士現官吏部

主事

長沙二松歌

湘亂牽挂紳耆冤抑特甚世途險詖傾軋相師是詩爲王孔二公作也

長沙城邊松兩株堅根插土十丈餘一松淵邃壑谷靜一松夭矯枝葉麤蓬萊仙人種向此厥貌質古神清疏體侔材合施亦稱靜者寓動麤者舒老懷難下俱崛強定力所致何曾拘山川悠悠造物戲雕縷變怪翻空殊春華笑語同一躍風日蒨麗紛紜鋪當秋執令有嚴典殺氣一動分存除天公於松似無意不使霜雪生空虛窪塘曲水多葭蒲亦有垂楊當路隅低頭折腰各善下天骨卓立汝不如修藤歧出當斬死乃竊露雨翻然蘇蔕藜如刀薶如炙種惡見愛無人鋤我疑造化厭寂寞物物以氣爲之噓懸鑪

大鑄散端朕復瀹精液相灌輸苟如人性從習改安用詆
及胎元初不然是松亦受氣何以獨得含扶輿橫遮赤日
挾飛雨坐吸石髓收雲腴虬鬚吹陰散野色礲土藉蔭能
生枯風濤一夕自天下警若暮鼓長槌桴名材異產有呵
護何物貿貿操斧鉞雙龍垂甲作大棟傾倚斷折猶須扶
突然摧根又挫節推倒奮若風霆驅蒼茫天意胡爲乎高
高聽卑有耳無昔巢此樹有一鶴驚起大唳聲爲痛急飛
上天訴天帝帝曰爾鶴嗟何愚葭蒲垂楊爾弗止蒺藜薶
艸人所譽世人好此自嫉彼松也岸異非無辜陰陽疑戰
必倒置我亦不得司其符爾歸莫學鳳皇鳥絕去凡下棲
高梧高梧當焚鳳皇鍛妒松者衆爾自孤試求枳棘姑苟
活鬻鬻白羽何妨汗委蛇眞訣帝語盡鶴立泣然垂淚珠

陳士芑字翼謀湖南湘鄉人光緒甲辰進士現官郵傳部主事有憐蚊室詩錄

次韻平等閣感事四絕句

縷縷秋愁欲上簷長門草冷碧雲深拚將舊恨消新恨未必君心似妾心

花萎鵲啼夢已陳淒紅慘綠泣殘春遼陽盼斷無消息落日黃雲思殺人

枉費渠儂十日思干卿甚事自猜疑碧桃落盡春將老香夢闌珊百不知

凋闌倚偏月移陰青鳥難還信又沈試向瑤池禮西母拈花微悟去來今

題人境廬遺詩後

沈沈魔界三千丈寂寂詞壇七百年佞杜媚韓迷故步反
聲騷變雅得新筌奇裝競附黎邱鬼食字猶憐脈望仙空
有詩名傳海外西江鳴咽恨難填

張文達公輓詩

丁未

愛國身先殞憂時淚獨多天留新日月魂戀舊山河弱昧
憐刀俎艱難痛斧柯頗聞諸將相觴詠尙婆娑

運豈丁陽九神應託尾箕公忠明主鑒國粹小臣悲劫
定援蟲老梁傾燕雀嬉英雄滿襟淚孤意獨誰知

莽蕩山河古盧牟未易任九州疑鑄鐵眾謗欲銷金文軌
鴻圖拓梯航外侮侵平仄孤素志誰念禹功深

半生知己涕揮灑向誰多幽思通芳若靈芬襲女蘿交情
呼小友文字證維摩渺矣風流歇梁園不忍過

送趙芷蓀侍御南歸卽次其留別詩韻

槐柳蕭蕭咽晚蟬客情撩亂落花前
飲蘭餐菊且歸去碧海青天一惘然
過眼雞蟲徒爾汝故山猿鶴喜便旋
湘衡勁氣今寥落努力修名式後賢

緇塵黯黯點朝簪側帽愁看白日陰
世變已驚如電幻行歌翻羨入山深
直言自是關元氣公論猶能動帝心
愛國孤懷期共證蘼蕪香處一披襟

于晦若侍郎奉 命使德意志攷查憲政
李堯琴參議招集朝士設祖陶然亭會
者三十五人賦詩送別余成三律

英簃新函奉 璽書靈槎萬里壯游初
失官求野今猶信

舍己耘人計豈疏月照烏山

烏拉大山爲亞
歐兩洲分界處

聞漢雁潮生

紅海舞神魚萊因河畔花如錦應譜春詞付象胥

長安冠蓋盛追從禪悅偏尋物外蹤清望一時屬司馬張自

文達薨後京朝士夫數文章宗匠必首推公高樓百尺臥元龍公奉命後卽移居城南龍爪

槐避囂習靜脩然自適隱囊紗帽吟疏雨蠟屐貂裘趁曉鐘此去西

遊參寶主琅書親受紫泥封

海西遺跡訪張騫異國重游亦偶然公會隨李文忠使節至柏林譯道

揚言求宛馬新亭流涕話桑田鄒枚炙輶多能賦郭李同

舟望若仙祖帳東門歌進酒秋笳吹動柳如煙

偶成

功名鉛槧兩蹉跎獨立飛樓踏踏歌月落星寒宮樹靜萬

鴉無語看大河

雜詩廿四首
錄十一

痛哭陳書累萬言
蘭呻蕙歎訴煩冤
君王愛老臣
年少合託湘流弔屈原

璇機玉杼日紛紛
爭向天孫乞錦雯
新絡水絲千萬縷
可能持贈沈休文

衛霍聯翩擁節旄
烏衣門巷漸蕭騷
清貞頗笑王懷祖
得隸中兵已自豪

下葯無靈劇可憐
長生難得上池泉
東游掇得扶桑甚
白日飛昇作上仙

異國櫻紅聽鷓鴣
無端神海嘯天吳
八千子弟齊回首
一

髮千鈞挽得無

指丙午日本留學生事
學生至日本無不祝髮者
事起倉卒發憤相率歸國
至上海

爭飾假髤
髮貴一時

茂材異等試新科
浮海齊揮逐日戈
去國悲吟歸國笑
春

YORK UNIVERSITY

MAY 15 2001

EAST ASIAN STUDIES

風紅杏少年多

奇服脩容入世難
陸離長鉞切雲冠
芬芳獨抱貞臣節
莫作清流岸幘看

浩蕩靈修莫予

上聲

要誰將芳佞判
蘭椒遠游自爲悲時俗

九逝精魂未易招

禹鼎荒唐未足奇
鴟龜雄虺正譖譖
眼前怪事何曾見付

與齊諧續楚辭

以上三首釋騷

華冠縱履豈逃名
一笑麤官抵葉輕
君看樓臺平地起
幾人坐嘯到公卿

黃金能解相如渴
白眼翻遭亭尉呵
獻賦封侯兩無分
雙丸相逐去如梭

